

安邱新志卷二十八

補遺

馬惠字德孚明生員中丞文煒父贈中憲大夫性剛毅人望見無弗畏者家政嚴肅閨門敬如賓友有幼弟懋勉以學磨礪淬濯無遺力卒致通顯中丞生時晝夜啼惠曰兒有貴徵但不利於我耳越歲果卒祀鄉賢祠

王天相字爾吉生員豪邁坦易工詩文詩體近放翁恬澹不樂仕進性最孝父家法嚴時受杖責怡然安之母歿侍父寢每夕必儲甘旨聞聲息輒起供食飲父禁之佯脫冠帶滅燭後仍潛起衣之以便趨事父病親嘗糞之甘苦以占吉凶其父嘗稱之曰長子天

傳

安邱新志卷二十八

一

相孝行純篤族黨鄰里無間言至今藉藉猶道其遺事不置云張時字雨村在乙孫由生員貢成均一生和平正直從不作誑人語人誑之則無不信以是屢受欺家遂中落然未嘗有怨言亦從不聞愁嘆聲日拈鐵筆作生活富而好禮貧則固窮一邑咸稱真長者

吳鵬霄字扶九乾隆戊申舉人學問深澹文筆正大家貧日事舌耕好講貫往往借詼詭語以申明書理文法以故遊其門者日進日上咸以文為樂而不憚其煩晚年訓文登一時文風大振至今庠序猶歌思之